



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 39. Concilium Parisiense secundum.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. A.C. 552. Sup. S. 24. *nia cito in Provinciis vestris manifestis, ne quis ab his impostoribus decipiatur, aut a quodam, nomine Anastasio, quem S. Episcopus Arelatensis Aurelianus ante biennium ad Papam delegavit; is enim cum aliis conditionibus Constantinopoli abire non permetteretur, largis donationibus seductus, jurejurando promisit, se omnibus Episcopis Galliae persuasurum, ut tria Capitula damnarent, & Papæ Epistolas, quibus Episcopus Galliae, quid ageretur, certiores reddere volebat, deferendas accipere noluit. Ergo Episcopos Regionum vestrarum monete, ut Papam & Episcopum Dacium datis litteris consolentur, & confirment, ne novam Doctrinam recipiant. Postquam Constantinopolim perveneritis, ipsis, ut poteritis, opem ferite, præprimis Dacio. Petite ut ei ad Ecclesiam suam, jam annis quindecim vel sexdecim absenti, redire liceat. Nam omnes ferme Episcopi, quos ab ipso ordinari consuetudo postulat, ut scitis, defuncti sunt, jamque innumera populi multitudo sine Baptismate moritur.*

§. XXXIX.

Concilium Parisiense secundum.

v. Coint. an. 551. n. 5. to. 5. Conc. p. 811. *Sancto Aureliano Arelatensi brevi postea ad superos translato, Sapaudus Successor ejus, secundo Concilio Parisiensi circa annum 551. celebrato præfuit.*

fuit. Aderant Episcopi viginti septem, ^{Sæculum VI.}
inter quos numerabantur sex Metropoli- ^{A. C. 552.}
tæ, scilicet, Sapaudus Arelatensis, Hesy-
chius Viennensis, Nicetes Trevirensis,
Probianus Bituricensis Desiderii Succes-
sor, Constitutus Senonensis, Leontius
Burdegalensis. Hæc Synodus in ædibus
Ecclesiæ congregata, invitante Rege
Childeberto, in Causa Saffaraci Episco-
pi Parisiensis, qui magni criminis convi-
ctus fuerat. Jussit Concilium Acta sibi
exhiberi, ex quibus liquebat, Saffara-
cum crimen suum confessum fuisse coram
Medoveo Episcopo Meldensi, S. Lubino
Episcopo Carnutensi, Leobacario Abbate,
Hiculpho Presbytero, Eterno Archidia-
cono, & Castricio Diacono, in Concilio
præsentibus ubi testimonium reddide-
runt, sicut etiam Ardaricus seu Aridius
Episcopus Nivernensis. Synodus judi-
cavit crimen plene esse probatum, & il-
los tres Episcopos bene egisse, quod Saf-
faracum Monasterio incluserint. Tum
Metropolitano ipsius, Constituto Seno-
nensi mandatum, ut eum secundum Ca-
nones deponeret. Quo facto, in deposi-
ti locum Eusebius Episcopus Parisiensis ^{Sup. lib.}
ordinatus est. Is, ut suo loco retulimus, ^{XXXII.}
S. Clodoaldum Presbyterum ordinavit. ^{S. 44.}